

欽定剿平三省邪匪方略

欽定剿平三省邪匪方略正編卷八十九

已未年

二月初一日

已丑

署甘肅布政使廣厚奏言

臣接

據三岔州判並秦州稟報陝西竄匪由鳳縣關
入三岔之楊家河利橋東岔溝等處地方旋分
股奔竄秦州屬之街子鎮口頭寨馬跑泉皂角
舖各處焚搶現在存城兵數無幾不敷剿捕
臣查秦州一帶山徑叢雜地方遼濶在在與陝省

鳳漢相通且寄居種地之川楚民人甚多必須
迅爲截剿庶不致勾結蔓延當卽飛咨駐防徽
縣之署河州鎮臣吉蘭泰刻卽酌帶弁兵星赴
秦州並就近調固原兵五百名速往截擊臣亦
卽日帶領督標兵五百名兼程前往策應以期
及早殲除奏入

上命軍機大臣傳諭廣厚曰秦州一帶與陝省鳳縣

接壤前據恒瑞等奏張漢潮翻山西竄鳳縣是由
鳳縣闌入甘境之賊卽係張漢潮一股今在秦州
地方分股焚搶實爲可惡廣厚聞信卽咨總兵吉
蘭泰調兵截擊廣厚亦卽帶兵馳往所辦俱是惟
當認真堵禦實力剿辦毋任賊匪蔓延若能殲除
淨盡卽係廣厚吉蘭泰之功定加懋賞卽或未能
撲滅亦應將匪衆截回川省俾秦州一帶安堵如

常總不可使甘省小民復遭兵燹也

初三日 辛卯

上命軍機大臣傳諭勒保馬慧裕曰自川楚邪教匪徒滋事以來所過地方劫掠良民焚燒村落迫脅萬狀輾轉煽惑良民不得已而從賊日以寢多奔驅三載不能自拔者數逾十萬室廬焚蕩田畝拋荒欲返則無所歸卽歸亦無所食其勢不得不託

賊巢爲棲身之所藉盜糧爲餬口之資此非徒作
招撫之空談所能收解散之實效者也國家憫念
赤子累歲流離敷育從罔治之仁播咸與維新之
治前經降旨剿撫兼施蓋自古惟聞用兵於敵國
不聞用兵於吾民朕日夜哀憐幾至寢食俱廢百
姓極困思安久勞思息諒必一見恩旨翕然來歸
第思旣歸之後目前則何以食之將來則何以居

乙務使此番安集卽成永遠規模設非慮及他時
恐倍難於今日凡從各股賊匪中受撫來歸者應
如何綏輯安插之處令勘保就近傳喚同知劉清
及川省素有清名之州縣俾悉心妥議具奏劉清
旣素諸民望必能深識民情他鄉流落者如何資
送還農失所無依者如何編丁占籍朕偶閱明史
成化中項忠原傑先後辦理荆襄流民一案具有

章程或可採取其法施之當今或因事異時移不
宜泥古可一一詳細奏聞至陝省撫輯情形馬慧
裕新授藩司正伊職分中事亦著詳議具奏

臣
等謹案我

國家深仁厚澤百數十年薄海民生無不淪肌浹
髓乃川楚教匪滋事蔓延勾結在梟獍之徒
自作不靖固由自取誅夷而愚魯游民怵於

邪說被其誘習者無知陷罪實所不免至於
安分良民迫於劫掠田廬蕩然不得已爲賊
所驅其情尤覺可憫

皇上抱如傷之至念

燭小民之幽隱前已

諭令帶兵大員剿撫兼施茲復

申訓諄諄籌所以安集遠定之方並以

幾餘披覽前史

示以則儆

仁心仁聞溢於

綸綍其讀之而不知恥且格者亦真

覆轍所不容者矣

初六日

甲午

勒保奏言此次教匪不法蔓延三省

日久稽誅實堪痛恨

臣

仰蒙

委任不能及早蔽功慚懼萬狀茲奉

諭旨畀以總統之寄伏念該匪妄作不靖原不過如

王倫田五之類起事之始無難卽就殲除迨日

久滋蔓漸肆鳴張川東川北胥經蹂躪而陝楚

賊匪又復不時出沒及臣去年正月到川剿辦

已屬不易是以通籌大局惟有肅清一路再辦

一路以冀次第殲除至於賊匪伎倆緩則游奕

自如急則併力相拒大概聚合之日少而分竄之日多不特藉以牽綴官兵並圖處處掠食一經官兵追剿則往往翻山越嶺乘空奔逃迨官兵甫能追及而賊匪或又旁趨轉成在後此所以兵勞而賊逸也又如賊之起事傳教收徒根株本廣而每到一處裹脅一處則夥黨更多愚民被擄之後以爲旣陷於賊兵到必誅轉各自

爲戰及兵刃既接已未能分別脅從且脅從之衆均有真正賊匪相率而行所以殲戮之數益千累百誠不免玉石俱焚而賊數漸剿漸減復又旋擄旋增此所以兵單而賊衆也夫用兵剿賊惟在鼓其銳氣此次之兵剿捕教匪已及三年且其中大半均係楚南苗地撤回隨征更久如臣去年所調雲貴官兵二萬則又悉係新招

不諳紀律當此賊蹤靡定之際東馳西逐日久
日疲每迺追剿緊急糧運稽阻枵腹而行露宿
而住其勞洵爲可憫至於賊之倏聚倏散行不
資糧住不紮營既無一定窩巢亦無一定蹤跡
此所以用兵之勢與他路軍營迥異也至如教
匪首逆節次所奏不遑擇其起事之最先而夥
黨之較衆者而言其實賊匪之內分出一一起卽

有一起爲首者剿滅之賊餘剩一起又另有一
起爲首者多或數千人少或數百人不等茲謹
就已經入奏者而計則如徐添德冷添祿王光
祖樊人傑張漢潮阮正通張映祥龍紹周龔建
唐大信卜三聘鮮大川等是也又有先經入奏
各爲一起而現在歸入別股並無實在下落者
如李全王廷詔高均德等是也又林亮功一犯

節次訛同賊匪咸稱早經鎗斃而現在所有之
包正洪肅占國賴儀章張長更等皆其分股賊
目又有已稱殲斃而尙聞現有其人者如張添
倫王登廷等是也又有近據各州縣所稟另爲
一股而未及奏入者則如辛聰張隴登是也約
計大小賊匪不下一二十股到處分合無常
受

恩深重既不敢以接辦較遲畧存卸責亦不敢以賊
勢散漫稍涉畏難每遇帶兵經過之處無不廣
發告示剴切曉諭許以自投免罪隨時散出者
亦復不少烏合匪徒原不足以多寡論惟是兵
力日疲緩急調派未免總不足恃此外又無可
添調之兵則不得不就目前力量畧爲調劑因
念歷次軍興需費浩大此番爲時既久費帑更

多且事涉三省支用欸項更不畫一自臣到川

以來會同福寧等力加撙節實不敢稍涉虛糜
第從前定例與目下情形有萬分不能援照者

如官兵終歲奔馳背負鍋帳不能不酌給夫騾

等事是以列欸具奏嗣奉部駁臣又通行各路

一律遵照無如數月以來留心察看實有窒礙

難行之處臣與福寧等現在會商尙須另擬條

欵據實陳奏至此外虛糜積弊無不實力革除

臣雖至愚斷不肯以無益之花銷貽身家之重

罪又如軍營報功陞賞原不應稍有冒濫此次

臣督辦教匪自維絲毫無效未敢屢有保奏卽

地方題陞調補或因軍務轉致擱延第用人之

際實心出力者亦不乏人如蒙

聖慈不以臣等之無能仍准隨時錄及在事之勞聞

亦鼓勵人心之一道王惠齡才情辦事久邀

聖明洞鑒而額勒登保德楞泰於各路帶兵大員中

尤爲知兵曉事勇往出力

臣

惟有殫竭血誠會

同籌辦先擇其大夥首逆併力翦除解散脅從

黨與通飭各州縣地方官曉諭百姓屯糧於寨

據險自守以杜賊匪擄人掠食之計申明賞罰

以作士氣調劑糧餉以利兵行庶幾早殲匪衆

綏靖地方

勒保又奏言竊臣同額勒登保剿辦徐添德冷

添祿等股竄匪由梁山一帶進發嗣因徐添德

一股被剿情急從黃土坎翻山奔竄額勒登保

卽帶領官兵由墊江邊界設法兜擊連次遇賊

於石門口高歇場姚家岩等處沿途殺賊自數

百名至百餘名不等進至大安寨地方因該處

樹林深密賊匪遠近設伏狡詐萬分額勒登保
卽一面紮營一面抽帶侍衛將領督率馬步官
兵二千餘名向前搜剿數十里內均有賊匪竄
匿我兵奮勇抄擊復斃賊三百餘名直至高家
壩其大夥匪衆始向東面尖山寨一路竄逸其
令添祿一股竄至水磨河因百祥穆克登阿帶
兵由忠州一面兜截賊匪不敢遠竄復折而至

梁山雜時

臣

由石竹坪追剿王光祖一股賊匪

派令德英額薛大烈等分股抄截該匪不能與

徐添德合夥卽向新寧開縣交界鐵索橋一帶

奔逸正在哨探之次適據具報冷添祿一股賊

匪已至柏林壩百祥等督兵追趕由清水寨老

君灘等處緊躡前進而忠州墊江又有賊匪在

清水寨焚掠該鎮等就近迎擊殺賊三四百名

餘匪連夜肆竄與冷添祿合夥臣一經得信卽

由方斗寨改道馳赴柏林壩並飭百祥等趕由

黃土坎預備夾擊詎賊匪翻山越嶺不敢停紮

兩路官兵分投掩襲節次於老鷹場元壩驛斃

賊二百餘名該匪等卽由大竹一路竄去臣查

各股賊匪往來奔突均在梁山墊江大竹等處

仍界連隣水渠縣廣安各州縣輾轉追逐未免

徒形牽緩必須設法布置適接惠齡德楞泰來
信知於十八日進抵達州並稱渠大交界之林
壩溪已有賊匪竄擾恐後起大夥接踵而去是
以卽從達州督兵取道三灘以爲迎頭兜擊之
計臣現經札知惠齡等務將廣安渠縣一路趕
緊攔截如果賊匪被擊折回則梁山太竹墊江
正有臣與額勒登保及百祥穆克登阿等三路

官兵併力截剿可期痛加殲戮至將軍甯成所
剿張映祥一股賊匪現由蓬州南部廬及閬中
恐該匪等復至蒼溪逼近大路是以甯成卽由
儀隴觀音場小路繞出蒼溪相機剿辦又鮮大
川一股賊匪向在太平通江邊界往來游奕嗣
因冉文儔剿洗之後該匪卽遁入南江屯踞飲
馬池地方據報人數無多臣現飭總兵德齡卽

從通江帶領兵勇前往剿捕以免蔓延其奉節
一路卜三聘等股賊匪自副都統觀成帶兵到
彼扼要堵截未能東竄楚疆惟現有張添倫一
股餘匪由雲陽竄入奉大交界恐其彼此合夥
俟觀成報有打仗堵禦情形再行具奏至連日
各路官兵打仗候補遊擊德寧守備王大勇張
維紀受傷陣亡其餘傷亡兵勇另行查明咨部

奏入

上命軍機大臣傳諭勒保曰教匪不過烏台之衆乃
自剿辦以來時日則已閱三年經費則數逾七千
萬總緣伊等各路軍營全不認真剿辦惟知苟延
歲月軍中宴樂卽如勒保另摺所奏軍營大概情
形於兵餉一節卽稱力加撙節於保奏一節卽稱
用人之際應准隨時錄用此不過指和珅從前於

軍需銷算尅核過甚而於保列人員又復裁抑過多是以隱躍其詞今和珅業經伏法各路陳奏事件無不直達朕前勒保更復何所瞻顧至國家經費惟期實用實銷如果軍營情形實有難照常例報銷之處原不惜多費帑金無如各路軍營以正項錢糧供娛樂之費試令清夜捫心天良何在其打仗情形一摺鋪叙各路賊匪奔突緣由亦無頭

緒且所稱賊首於從前指出姓名之外又復添出
數股並有已稱殲斃而復列入者此時勒保已授
爲經畧事權旣重呼應必靈惟當通盤籌畫於各
股賊匪中擇其尤要者先行剿辦其餘堵剿戰守
全在伊悉心調度務協機宜功成必膺懋賞倘再涉
遷延則軍紀具在朕必執法從事勒保寧不自爲
身家性命計乎

同日廣厚奏言陝省盜匪由鳳縣闖入秦州屬之三岔地方復分股奔竄街子鎮皂角舖等處滋擾當經飛咨吉蘭泰帶兵迎剿

臣

自省馳往

策應途次據各州縣稟報街子鎮皂角舖之賊復合爲一股由成縣之汪家川竄赴禮縣之靈橋淮吉蘭泰咨會二十四日在禮縣靈橋地方與賊打仗殺賊頗多奪獲騾馬器械等物並僞

圖記一顆兵丁聞有受傷賊匪潰逃奔竄西和
縣界又據兩當撤縣稟報明亮興肇及總兵官
信自陝分路帶兵入甘均先後由成縣前進等
情臣查賊匪現竄西和之避風灣等處係在縣
城東南明亮等帶領勁兵從東進剿正可與吉
蘭泰會合夾擊惟西和北與禮縣接壤由寧遠
直達鞏昌郡城爲赴省大路糧餉文報經由之

地東北與秦州連界卽係賊匪來路今官兵俱
在東南截剿賊匪被剿緊急或由禮縣北竄鞏
昌或仍折趨秦州均爲可慮

臣

隨驛赴禮縣派

都司張廷相卽帶督標兵五百名並督飭地方
官多僱鄉勇於總要隘口悉力堵截以遏其北
竄鞏昌之路並調涼州鎮兵五百名兼程行走
馳赴秦州堵禦以杜北竄至明亮等統領大兵

齊集甘境所需軍火糧餉臣現在趕緊籌辦委

鞏昌府知府朱爾漢率同正佐幹員分運供支

務期源源接濟再據秦州知州王賜均稟賊匪

入汪家川之後二十二日拏獲探信賊匪王登

甫一名正在訊供據皂角舖鄉勇蕭復有等稟

報有南來五十餘人從該舖經過內有一人頭

戴藍頂口稱官兵赴秦救援該鄉勇等察係賊

匪冒充卽約會衆人假意迎接引路蕭復有由
小路赴城密稟該州王賜均會同署都司寇其
臣吏目沈本立帶領兵勇出城至南河灘地方
賊匪見兵勇人衆卽持械撲扎翼欲奔逃各兵
勇一擁上前將該匪等全行殲斃奪獲騾馬六
匹頭鳥鎗刀矛三十四件王賜均隨提王登甫
指認據稱頭戴藍頂者係賊目人稱張飛餘係

矛子手邱理張有林等并訊據王登甫自認赴
秦州探聽官兵信息等語當卽正法現飭查明
出力鄉勇分別獎賞奏入

上命軍機大臣傳諭明亮興肇廣厚曰廣厚所奏情
形賊匪竟已闌入甘境此股賊匪是否卽係張漢
潮前在兩當徽縣一帶滋擾現經明亮興肇等帶
兵進剿而總兵吉蘭泰又復從成縣前來正可兩

面夾擊廣厚自應馳赴該處併力會剿大股旣除
餘匪自應殲淨乃轉赴禮縣藉詞調派兵勇堵截
要隘此不過如景安宜綿秦承恩輩於無賊處所
遠避賊鋒又蹈伊等畏葸故智總之張漢潮老病
無能窮蹙鋌走現在各路官兵衆集不難赴勢殲
除若再令賊匪他竄蔓延則明亮興肇廣厚等將
何詞卸責耶

初九日丁酉軍機大臣永瑤等奏言據川省先後

解到賊首王三槐羅其清羅其書三犯臣等嚴

刑審訊錄取供詞奏蒙

聖鑒查律載謀反大逆者凌遲處死等語今王三槐
羅其清膽敢於

光天化日之下糾約黨羽到處焚掠抗拒官兵均
屬罪大惡極羅其清胞弟羅其書隨同滋擾地

方阻截糧道實屬濟惡王三槐羅其清羅其書
均合依謀反大逆凌遲處死以彰

國憲而快人心其律應緣坐犯屬應令該督等查
明照例具題核辦奏入得

旨王三槐羅其清羅其書俱著卽凌遲處死

同日

上命軍機大臣傳諭勒保曰軍機大臣會同刑部審

訛羅其清據供在方山坪屯劄一年帶兵之朱大
人百大人總未與之打仗得以徂住營寨從容種
地等語帶兵大員剿辦賊匪與賊相持至一年之
久老師糜餉竟不進攻任聽賊匪屯劄營寨從容
耕種玩悞軍務坐失事機莫此爲甚果如所供自
當嚴辦示懲以肅軍紀但訛問王三槐又有朱大
人最能打仗之供未知孰是著勒保嚴密查明在

方山坪帶兵之朱百二人是否卽係諸神保或朱
射斗百祥有無一年未經打仗之事據實具奏如
實似此玩悞卽一面奏聞一面將該二員革職解
京治罪毋稍徇隱彼時勒保尙未前抵軍營亦無
所用其迴護又據王三槐供川省官員聲名好者
除劉清外尙有新寧趙知縣巴縣吳知縣二員朕
聞川省有趙華吳桂二員官聲素著王三槐所供

是否卽係此二人亦著勒保查明具奏

上又命軍機大臣傳諭惠齡曰本日解到羅其清命
軍機大臣審訊據供惠將軍一路兵丁較爲軟弱
等語惠齡係滿州大臣帶兵剿賊自應倍加勇往
以爲將士表率乃賊犯供稱惠齡一路兵丁軟弱
可見惠齡惟知貪尙安逸坐糜廩給全不知策勵
兵丁身先督率以致官兵積疲成玩不但不能殺

賊而並爲賊匪所輕朕素聞惠齡在軍營最不出
力今合之羅其清所供是朕前此所聞竟屬不虛
惠齡似此怠玩偷安其咎甚重節經降旨飭諭若
再不知愧懼力加振作一洗從前積習惟有執法
從事斷不稍貸

十二日

庚子

恒瑞奏承恩奏言

臣

恒瑞因竄至通

江朱家壩等處之賊距南鄭邊界甚近當經移

兵法慈院一帶截剿正乃二十六七等日賊匪
分竄南鄭毛狗洞小壩石方坪廟壩等卡晝夜
攻撲當經分督官兵同臣秦承恩督率鄉勇隨
時奮力迎擊賊匪未能闌入隨竄赴南江鐵溪
河九閣山一帶其折竄西鄉南路賊匪兩股由
固縣營囑旗壩至王黑壩一帶經宜綿派令總
兵柯藩慶溥由紫陽瓦房店前進王文雄由西

鄉堰口前進兩路逼剿隨分股由戴石川一帶
向東南奔竄柯藩慶溥趕緊踰路追剿王文雄
暫住老漁壩適中之地以防賊匪折竄臣等正

在分布堵剿間接據寧羌州馮裕定都司王興
朝稟報川省張應祥包正洪蕭掌櫃等大股賊
匪已到廣元之千佛崖九黃岩一帶將軍富成
總兵朱射斗緊躡追剿又有一股在廣元之梅

樹塢奉華寺等處滋擾均與寧羌邊界切近

臣

恒瑞聞信卽由南鄭邊界兼程馳往寧羌迎頭

截剿

臣

秦承恩仍於南鄭毛狗洞一帶邊卡督

率鄉勇防堵務期益加嚴密奏入

上命軍機大臣傳諭恒瑞王文雄日前因宜綿秦承

恩在陝連年畏葸貽誤俱經降旨解任特令恒瑞

署理陝甘總督現在已將松筠補授但到任尙需

時日陝甘辦理軍務正關緊要從前恒瑞之兄恒秀在吉林得罪甚重特加恩寬免仍棄瑕錄用恒瑞在臺灣時亦曾獲咎今復委以署督重任恒瑞當倍加感奮以圖報稱至所奏剿賊情形將各股賊匪迎擊堵截未令闖入陝境所辦尙是前經降旨各該督撫惟以疆域爲重不必越境剿賊轉致賊匪得以乘間繞至後路滋擾於無兵之地該署

督等惟當遵照前旨悉力堵禦將賊首張應祥等
拏獲掃除餘孽剿撫兼施勿注意止擒逆首任餘
匪仍復蔓延至擒拏著名首逆如能生致固屬甚
善卽或臨陣被殲亦無不可嗣後如拏得首犯不
必解京卽於本處極刑梟示卽可使本處餘賊皆
知所做又免驛站往返之勞至此次截剿賊匪王
文雄又在老魚壩一帶駐守藉口防賊其實觀望

逗遛又蹈陋習宜綿惟知安坐派人秦承恩從未
統兵剿賊而指內尙稱邊卡益加嚴密可謂無恥
此時宜綿秦承恩皆將離任王文雄務須幫同恒
瑞認真堵剿倘再涉遷延則軍法具在毋謂寬典
可以屢邀也

欽定剿平三省邪匪方略正編卷九十

巳未年

二月十三日

辛丑

明亮興肇奏言張漢潮股匪屢

經躡剿率傾殘敗餘匪向無兵勇處所日夜狂

奔盤繞萬山重疊之中往來人跡罕經之處總

思躲避追兵圖延殘喘查賊衆自豫折回陝省

地方擄掠人民馬匹漸又鴟張

臣

等於十六十

七等日始探得賊匪由徽縣偏南奔走趕至武

關該匪已竄至鳳縣屬之兩河溝若再躡蹤追擊張逆必向南奔突梗塞棧道關係非輕兼之川匪接踵北竄尤恐合夥蔓延是以迅卽由武關褒城折回兼程馳赴沔縣大安驛畧陽一帶扼截緊要路口以杜賊匪南竄並可迎頭攔截二十一日馳抵鐵廠子地方適值該匪探馬竄至臣等前隊探事兵勇擒獲長探賊目高名順

等五人訊據供稱張漢潮無路逃生連次打仗
被官兵截殺人多想到四川與同教人合夥再
作計議差我等先來探路餘無要供當將該犯
等正法飛卽督兵前進該逆聞風折回連夜由
徽縣成縣重山複嶺中竄至甘省兩當邊界

臣

等倍道緊追二十九日探得張漢潮在鳳縣屬
之唐藏地方屯紮

臣

等由楊家店清水河一帶

分布各兵扼截南竄之路其西北二面本有甘肅鎮臣吉蘭泰官信分路帶兵追剿亦飛飭令其實力逼圍惟東面尚在空虛適據鳳縣知縣何其英報稱秦承恩派遊擊蘇維龍帶領兵勇到來已由該縣往唐藏防堵是四面皆有官兵等卽酌抽馬步官兵親率進剿初二日趕至鳳縣據該縣稟報遊擊蘇維龍帶兵失利不知

下落賊匪已從該處竄逃等語

臣

等聞信焦急

連夜馳抵唐藏賊匪已從草涼驛前竄

臣

等鼓

勵各兵星夜前進初四日探得該匪竄至進口

關一帶屯紮離

臣

等行營尚有五十餘里飛卽

二鼓進發及至黎明馬隊官兵馳抵該處步兵

尚未趕上該匪業已竄上山包

臣

等督率愛星

阿長春總管都當阿協領秦巴圖等帶領馬隊

直撲山梁殲賊一百餘人生擒朱正明等四十
二名該匪將騾馬拋棄直上雪山遁逃卽派愛
星阿督領馬隊三百餘人由右手山梁進攻

臣

興肇督同長春遊擊游棟雲等率領荊州廣東
滿漢步隊三百餘人由左手山梁搶上

臣明亮

督率副將多爾濟扎普遊擊應元寬等帶領馬
隊百餘人從山溝直撲山頂該匪倚恃山高雪

凍啞喊搖旗施放鎗礮分撲官兵三次

臣明亮

從山腰突出賊衆持矛直撲

臣

明亮督催官兵

奮力直前斬殺甚多賊匪遂四散潰逃因雪山

陡險馬兵不能得力步兵趕上稍遲該匪等翻

老林前竄護軍校葉布崇額古林委防禦驍騎

校阿克東阿等奮勇爭先俱受矛傷陣亡齊齊

哈爾委防禦委官福興阿受傷六處遊擊胡定

泰守備王成傑均有受傷索倫兵額爾克保生擒賊目李淮訊據供稱係首先起事之人張漢潮年老賊營一切巨細悉歸該逆辦理管領白

旗僞稱大元帥本當卽行正法查上年七月間

臣等在青池子打仗斬獲甚多因活賊指認李

淮首級臣明亮等冒昧具奏在案今生擒賊目

自供實係李淮臣等未敢廻護前奏是以將李

淮解至寶 縣監禁侯

命下遵行辦理 奏入

上命軍機大臣傳諭明亮恒瑞曰明亮等所奏打仗情形凶險仰攻不遺餘力陣亡者二員受傷者三員可見伊等直前鏖戰奮不顧身殊可嘉尚嗣後總當似此次奮勇剿辦速將張漢潮拿獲殲盡餘匪卽帶勝兵赴川北有賊處所剿辦各股以次肅

清迅勉成功用膺懋賞又摺內稱現獲賊目李淮
上年曾誤報業經斬獲一節據實奏出並不廻護
亦屬可嘉李淮現在賓雞監禁著卽於該處凌遲
處死將來拿獲張漢潮亦應在本處寸磔梟示使
賊黨共知警畏所有此次打仗陣亡之護軍校葉
布崇額委防禦驍騎校阿瓦東阿著咨部俱加恩
卹受傷之委防禦委官福興阿等如調治平復俱

以應陞之缺先行陞用若因傷身故俱著照陣亡
例咨部議卹再閩摺內張漢潮屯聚害藏地方時
明亮興肇帶兵扼截南路吉蘭泰官信在西北二
而圍逼其東面係秦承恩派遊擊蘇維龍帶兵防
堵是四面皆有官兵斷其去路正可於此地將張
漢潮擒獲乃蘇維龍一路失利賊首卽由東面突
出失此機會殊爲可恨蘇維龍縱賊之罪實干重

律今據奏該遊擊不知下落著明亮與肇查明如
蘇維龍已被賊戕亦其無能所致毋庸給與卹典
倘竟臨陣潛逃畏罪藏匿卽行鎖拿到營審明情
節一面奏聞一面於軍前正法並傳齊滿漢圍營
將弁等看視行刑俾各知儆懼以肅戎行至秦承
恩自剿辦賊匪以來從未身親督率總係派人前
往而所派者又多怯懦無能之員此次蘇維龍

兵失利縱賊逃竄卽係秦承恩派委非人所致朕聞上年賊匪逼近西安時焚掠村莊百姓受害者不下十餘萬秦承恩以防守省會爲名並不出城殺賊且平日居官聲名亦屬平常若僅令回籍守制無以示懲恒瑞著署甘肅總督卽著恒瑞將秦承恩革職拿解來京交刑部機大臣會同刑部審訊

十四日

王寅

廣厚奏言宜賊匪前竄西和之避風

灣嗣因官兵剿捕緊急又折回西和之十里舖
先遣匪黨胡惟得等五人於城外探信卽經該
縣周宅仁拿獲訊明此股賊首係張漢潮當卽
正法賊匪知北路有備又經明亮等由成縣赴
柳壩從西抄截不敢前進遂由紙坊鎮一帶南
竄二十七日至成縣屬家溝焚掠

臣

先因該處

係通白馬關緊要隘口派都司馬良棟帶兵三

百名並飭署成縣知縣李世華團練鄉勇協同

堵截該都司等一見賊至卽率領武舉趙連城

等奮力截擊殺死賊匪十七人兵勇陣亡二人

受傷十一人賊見不能衝突卽向東竄赴徽縣

江洛壩臣途次聞信卽馳赴江洛壩迤北之岱

門鎮督兵堵截以遏其竄回秦州之路吉蘭泰

躡蹤追殺賊卽翻山由榆樹壩太白崖一帶竄

至寺合頭知縣李受曾先派鄉勇迎頭截住殺
賊三十餘人奪獲偽帥字令旗一面賊匪捨命
衝突鄉勇傷亡一百二十餘人賊卽竄出兩當
屬之二郎壩初二日至鳳縣邊界明亮等卽帶
兵由楊家店等處分路追剿臣查徽兩等處山
深箐密恐有餘孽潛藏連日督率署涼州府沈
清高台縣徐學太木都司張廷相等帶領兵勇分

赴各山溝嚴行搜捕一面飛咨吉蘭泰在鳳兩
交界處所嚴密堵截如賊匪復行竄回即可迎
擊并飭秦州防兵五百名馳赴兩當縣屬之太
渠鎮扼要防守既可屏蔽秦州并可爲吉蘭泰
策應奏入

上命軍機大臣傳諭廣厚曰此次賊匪擾及甘境經
廣厚及吉蘭泰等先後帶兵前往堵剿各處文武

亦皆先事預防賊匪知該處有備仍復折回陝境
不致甘省民人又遭賊匪刦掠此皆

皇考在天之靈默加佑護覽奏益深敬慰至所奏布置
情形亦俱妥協此時賊匪已回竄陝境後路尤關
緊要所辦甚是卽摺內所奏殺賊僅數十名而陣
亡兵勇爲數轉多卽此可見其開報得實並無諱
匿傷亡虛報功級之處如此方合入告之體勝於

宜綿多矣其打仗奮勇之都司及武舉等著查明
咨部獎敘陣亡兵勇著造冊咨部照例議卹至此
股賊匪昨據明亮等奏到已痛加剿殺計日內卽
可殲除廣厚此時總宜與吉蘭泰分擇要隘之處
嚴密防堵第一以鎮靜爲要慎勿越境邀功稍涉
張皇致百姓先自驚擾也

十五日

癸卯

宜綿奏言

臣

帶領總兵慶溥叅將韓

加業由紫陽進剿西鄉竄匪正月二十五日探報賊匪已從五塊石翻星子山屯紮王黑壩

臣

隨派慶溥並防守毛壩關之總兵柯藩帶兵從鞍子溝進剿又派副將李文蔚遊擊張東林領新兵六百名在馬鬃嶺一帶堵守隘口以顧南路

臣

與韓加業帶兵五百名駐鞍子溝策應後

路糧餉二十六日慶溥柯藩等帶兵至饒子壩

賊匪正在王黑壩焚掠催兵前進賊匪卽佔踞
兩面山梁吶喊撲來我兵鎗箭並發搶上山梁
該匪恃衆抗拒慶溥柯藩等密派官兵從左右
山包後面抄擊斃賊一百餘名生擒李士俊等
十三名該匪退聚對面山梁時已昏暮當卽分
紮營卡詎該匪詭計百出於是夜二更時膽敢
分股四面攻撲我兵奮力抵禦自亥至寅鎗礮

未停擊斃賊匪甚多天明該匪從戴石川一帶
奔竄隨提李士俊等審訊據供此股爲首是樊
人傑高均德冉文儔之姪冉添元三股合成男
婦共八千多人卽將該犯分別正法慶溥等隨
赴戴石川追剿忽據紫陽縣稟報另股賊匪數
千人從十四道河竄入關垵子直趨江岸查關
垵子距紫陽僅百數十里

臣

卽帶韓加業並兵

五百名由小路翻山於二十八日至漢王城仙姑灘一帶江岸分撥兵勇加意防守並令道員溫承惠將沿江船隻一律撤回北岸調集鄉勇保護縣城賊匪知江岸有備二十八日從關垵子南竄尙家壩李文蔚張東林得信帶兵由馬鬃嶺趕赴尙家壩迎截正遇賊匪蜂擁而至該將等分投對敵賊匪恃其人衆將官兵衝作兩

截我兵愈加憤恨奮力剿殺殲賊無數直至三更該匪來者逾多李文蔚張東林身受重傷力盡陣亡兵丁亦多有傷亡賊卽由江春壩直趨瓦房店

臣

聞信當卽趕回紫陽因無兵可撥急

調權河義首杜雲章嚴文元金鳳等帶領鄉勇三千名前赴瓦房店堵禦二月初一日杜雲章等督率鄉勇施放鎗礮賊卽向大泗溪奔竄金

鳳等從後追趕

臣

復飛調慶溥柯藩折回先剿

此股又恐該匪東入安康平利境內隨札興安

府知府周光裕厚集團勇防堵隘口並知會景

安於竹山竹谿一帶統兵堵截使該匪不敢逃

回楚境適又接秦承恩來信賊匪李樹龍紹周

唐明萬龔建張世瓏等俱在西鄉境內分投攻

撲後面並無追兵恒瑞在花石梁毛狗洞堵截

王文雄由白面峽截擊十二壩之賊以顧茶鎮
江岸總兵觀祥分駐大巴關正在喫緊堵剿之
際又有通江賊匪緊逼南鄭現今親爲防禦等
情臣思西鄉賊衆紛屯與紫陽緊相接壤兼以
山路歧出別無官兵可以分撥堵禦查川北羅
其清冉文儒二逆俱經惠齡德楞泰生擒授首
原擬殄滅餘匪後統兵來陝會剿嗣聞惠齡德

楞泰又赴川東不能前來臣惟有竭盡心力防守江岸不使賊匪偷渡奏入

上命軍機大臣傳諭勒保恒瑞曰朕素知宜綿自剿辦賊匪以來從未親身督率此次堵剿各股之賊仍係派人前往伊惟以策應後路糧餉及趕回紫陽調兵爲辭明係避賊而行仍蹈畏葸不前惡習應俟宜綿到京時逐一詢問再降諭旨至慶溥柯

藩在王黑壩地方進剿賊匪退聚對面山梁後並
不直前圍擊任其逃遁非與賊以暇而何今摺內
尚稱賊匪詭計百出於夜間分股攻撲營卡天明
又復奔竄試思賊匪乘暮退聚山梁其意自欲逃
竄無難預料豈得謂詭計百出以逃遁爲意外之
事耶慶溥柯藩旣不能認真打仗復敢藉詞粉飾
俱著革去花翎以示懲儆此係薄罰若再縱賊偷

安憲典具在凜之恒瑞現署總督並管帶宜綿
路之兵務須力加振作一洗從前積習親率將弁
等將竄入陝境賊匪實力堵剿毋任再有蔓延再
惠齡德楞泰前於擒獲冉文儔後原稱何路緊要
卽帶兵前往該處剿辦而現在川省交界賊匪最
要者惟樊人傑高均德等一路及李樹龍紹周等
一路何以未見惠齡等前往剿辦此不過又踵專

擒一名賊首不顧他賊之故智而已著勒保將惠齡等近來曾否遇賊打仗或在何處逗遛徹底查明具奏又宜綿摺內稱李樹龍紹周等一股並無追兵亦著勒保查係專委何人躡逐何以縱賊入陝任其攻擾西鄉亦並據實入奏毋稍徇隱

十六日

甲辰

福寧奏言川匪自羅其清冉文德等

逆殲擒之後其餘各股聞風震懾往返折竄迄

無定向竊念各路運送軍火糧餉爲數浩繁夫
騾載負絡繹在途值此官兵追剿緊急賊匪奔
竄益甚所有各路糧運迎頭則截掠堪虞尾隨
又行緩難繼且程臺甫經安設卽須改撤輾轉
遷移深爲未便臣再四熟籌各官兵往來剿賊
總不出川東川北十數州縣地方達州係兵糧
總滙之區現已飛飭承辦各員速將糧石酌量

數目預行分撥川東川北各州縣先爲存貯如
道路疏通則各路仍照常滾運卽稍有阻梗而
各屬皆有儲備一遇官兵抵境何處較爲捷便
卽就近上緊解送以資接濟現在勒保會同惠
齡額勒登保德楞泰等督師由大竹鄰水一路
合剿富成另帶官兵繞赴廣元兜截一切軍糧
備極充裕查各官兵支領各項銀兩前惠齡額

勒登保德楞泰等帶兵先後經過達州

臣

面爲

詳詢僉稱各營所費已較前大爲節省然尚有不能悉照成例之處

臣

因其所帶索倫吉林及

綠營官兵打仗均屬奮勇且正值剿賊契緊之際其有例所本無而勢所必需者不得不權宜辦理量爲通融此外如帳房等類應須更換者悉照數給領所需火藥鉛丸弓箭等項俱寬爲

撥解總期有神軍行至各處守城暨留養傷病
滿漢官兵及訥音所帶滿兵一千餘名在開縣
駐守俱非親臨前敵可比是以止准按給分例
其餘夫騾浮費概行裁汰以歸覈實再前准額
勒登保調用戰馬三百匹德楞泰調用戰馬一
百匹當經飛札藩司林雋在省城滿漢各營內
如數挑解刻下已陸續分起解往惟成都各營

馬匹頻年調用缺額過多已檄飭藩司轉移滿漢各營速卽領價買補以備續調查川省軍興以來需費繁重核計從前節次請過餉銀已不下一千一百餘萬臣上年春間接辦後復會同勒保英善兩次共請銀七百萬兩現在通算成都保寧達州三局所存餉項僅敷春令之用察看賊匪股數尚多藏事有需時日臣不得不預

爲籌及據實陳明至兵米一項上年各州縣俱已乘時採買足供碾運今春川東川北農民若能播種齊全無悞東作庶豐收有望可無缺乏之虞奏入

上命軍機大臣傳諭勒保福寧曰福寧奏籌辦糧餉一摺殊多浮泛之詞此次辦理軍務爲期已久而軍需經費數逾七千餘萬之多尤屬向來罕有總

緣伊等倚恃和珅爲之護庇遂致恣意妄爲毫無
顧忌帶兵各大員皆踵福康安和琳習氣在軍營
中酒肉聲歌相爲娛樂以國家經費之需供伊等
嬉戲之用此等積弊朕聞之熟矣現在各處奏報
無不直達朕前軍機大臣除承旨書諭外多不與
聞一切賞罰皆斷自朕衷臣工遇有微勞非軍機
大臣所能保奏錄用倘獲有罪愆軍機大臣亦不

收爲之挽回匡救伊等若不痛改前非一心對朕
則是自甘重戾矣至軍營支費原應實用實銷卽
或例外供支通融辦理亦必有實在情形可以覆
核若如現在軍營各路兵勇日費雖多而遲延不
發多令枵腹將事至領兵大員則任意支用承辦
者不敢過問無怪其浮濫更甚也勒保係經畧大
臣綜理儲備而福寧係專辦糧餉之人若再不知

樽節仍前通同欺隱伊等獨不自爲身家慮乎至
訥音前已有旨飭查今摺內敘其在開縣駐守非
逗遛而何其各處留養傷病滿漢官兵卽應通飭
查明各令歸旗回伍以示體卹而節浮費

同日刑部左侍郎汪承霈奏言

臣

伏讀籌辦川

楚逆匪

諭旨二道仰見

聖明洞燭無隱不周子以自新謀其生計匪徒中習
從附和之徒自必聞風解散不日歲功但聞
自川楚用兵以來非無悔罪投降之人或兵弁
邀功將東身歸命者作爲拿獲甚至執散歸田
畝之人冒功駢戮將領亦扶同捏報以致被脅
者畏死裹足甘心從賊是

朝廷開一面之網而兵弁轉爲入苙之招應請

勅下勒保嚴行查察如有此等情弊立即叅奏治罪
似於招撫更有裨益至軍行糧隨原不容任意
冒濫前此川楚等省辦理軍需情形悉在

聖明洞鑒之中近又聞該省支發鹽菜口糧等項未
免過於嚴緊將帥大員則仍前多支而兵丁鄉
勇分內應得之項有遲至數月未領者該兵勇
跋涉險阻打仗殺賊豈可枵腹從事應請令勒

保一併查明妥辦再各股首逆雖罪應寸磔而
其人究無足重輕且兵貴神速若必限以生擒
轉恐耽延時日應並請

勅下勒保務在殲厥渠魁亦不必拘於生擒首逆以
期尅日竣功奏入

上命軍機大臣傳諭勒保曰本日據汪承霽條奏軍
營情形皆切中三年以來軍營之弊與近日所降

諭旨相合此奏實屬有見著將原摺發交勒保閱
看務須力加整頓肅清滌前非以期及早戡功

十七日^{乙巳}勒保奏言查徐添德一股賊匪前由

尖山寨奔竄之後額勒登保卽帶兵由高家壩
繞道迎擊進至新正舖該處兩面高山中係深
溝密箐額勒登保正在督兵前進先有賊匪一
股從東面山梁而下約有數百人經官兵施放

鎗箭斃賊十餘名旋即退去我兵跟蹤追躡而兩旁竹林內又有賊匪五六股次第撲來更番迎拒均經官兵擊散殲獲甚多額勒登保卽於牛廠坡地方暫紮賊匪亦於新正舖古家場一帶分起屯踞往來抄襲二十六七等日官兵連次接仗並不稍退維時冷添祿一股賊匪自經臣督率百祥穆克登阿分兵進發連夜趕及斃

賊亦多餘衆翻山奔逸直至黃城寨與徐添德

匪衆相距四五十里

下察看賊勢既經彼此聯

絡人數較衆自應併力夾攻當卽知會額勒登

保帶領劉君輔楊遇春等督兵一路從牛廠坡

進發百祥穆克登阿帶兵一路從周家場進發

臣帶領德英額薛大烈等馳至亮風埡以防賊

匪折竄梁山正在派撥間適惠齡德楞泰帶領

朱射斗等由渠縣一路將徐添德奔竄匪黨迎
頭截擊折回大竹惠齡等星夜趕至復添一路
勝兵自二十九至初一初二等日各路官兵分
投進擊額勒登保兵至童家場先與百祥穆克
登阿會合嗣德楞泰朱射斗至觀音橋值額勒
登保帶兵趕到又彼此會晤惠齡分兵一路由
梁山邊界抄襲適抵臣營合兵進剿直至沙平

關統計各路連日殺賊一千六七百名生擒賊
匪楊千友等一百餘名賊衆到處被擊極形慌
亂均從墊江鄰水交界分起奔竄臣惟有督率
各路官兵分投截剿務將徐添德冷添祿兩股
賊匪趕緊肅清再行移兵他路籌辦至節次打
仗叅將胡尚賢都司崔大成受傷陣亡其餘傷
亡兵勇另行查明咨部辦理再查張映祥等股

賊匪由閩中竄至蒼溪經富成從儀隴小路繞
截嗣據具報官兵進抵蒼溪之烟峯樓地方賊
匪正在元壩場六坡亞一帶焚掠富成督同副
將海常叅將郭成緒等奮力迎擊斃賊四百餘
名生擒傅懷玉等二十四名餘匪旋即折竄未
能闌入棧道鮮大川一股賊匪屯踞南江飲馬
池經南江縣知縣裘良駿督率鄉勇悉力堵截

亦不致有蔓延惟奉節一路龔建卜三聘等股
匪衆屯聚日久而現在張添倫辛聰等又從雲
陽擾至陽泗岩地方彼此合夥節次於木瓜坪
朱家壩泰山廟干溪溝等處分投攻撲經副都
統觀成並在夔州養傷之提督七十五會同督
率將備往來迎擊擒斃甚多署夔州府知府曹
庠業署奉節縣知縣徐大椿圍集鄉勇扼要堵

禦亦甚嚴密惟該處兵力甚單而賊匪聚有數
股恐堵禦不能兼顧臣現在一面知會景安高

杞務於川楚交界扼要處實力堵禦一面札飭
七十五觀成將現有官兵於夔城附近分撥防

範

臣

復另派總兵德英額抽帶兵勇二千七百

餘名星夜馳赴夔州協同截剿以防東竄富成

一路遊擊常明因打仗殺賊陣亡又惠齡之母

於上年十月初一日在京病故其弟長齡差家
丁送信到營惟時惠齡適在通江之麻壩寨圍
剿冉文儔股匪喫緊之際是以德楞泰令該家
丁暫緩投遞茲惠齡等業將冉文儔匪衆剿辦
蕞事移師由渠縣大竹與臣會合隨令該家丁
告知惠齡得信後倍深傷痛惟以軍務尚未全
竣不敢因私悞公現仍與臣督兵一路前進併

力剿賊

同日景安奏言

臣

前因張漢潮後股賊匪由五

郎折回陝西鎮安縣境是以前來鄖西截剿詎

賊匪知有整備不敢東竄仍由五郎奔往洋縣

一帶離楚已八百餘里其前股業入甘肅秦州

等處距楚更遠

臣

隨於鄖西邊界週歷察看該

處要隘雖多尚屬有險可扼而原設兵勇星羅

碁布已極周密且有鎮臣王凱專駐督率足資
堵截惟日內連接探報陝省西鄉之賊似有東
竄之勢而川省卜三聘一股賊匪現屯奉節大
寧之間均離南路竹谿房縣不遠臣現卽起程
馳赴房竹一帶察看何處緊要卽往何處截剿
以期不使一賊闖入均奏入

上命軍機大臣傳諭勒保惠齡景安高杞曰此次冷

添祿一股賊匪竄至黃城寨與徐添德匪衆相距
四五十里而勒保惠齡德楞泰額勒登保等各路
官兵彼此會合聲威甚大正當乘賊匪聚集一處
之時併力夾攻痛加剿洗何以仍任賊衆又從墊
江鄰水交界地方分起奔竄伊等真可謂宣力之
大臣矣朕聞每次打仗官兵則令召募鄉勇排列
衝鋒賊匪則驅裹脅民人在前抗拒卽賊匪敗斂

而逃官兵亦撤伍而退兵與賊終不相遇無怪乎
賊日熾而兵日怯所殲戮者皆無辜難民勒保身
爲經畧寧不思預操勝算制賊死命徒以尾追爲
長技叩再奉節一路各股賊匪合夥滋擾觀成等
並不能實力堵截該處與楚省接壤若任賊匪東
竄則楚省地方又遭蹂躪高杞現駐歸州巴東一
帶務以封域爲重督率兵勇嚴密堵禦毋使闖入

景安向來畏蕙無能惟知在無賊處所閒住此時
夔州賊匪有東竄之勢景安當擇緊要邊界親身
防堵勉贖前愆倘有懈弛惟景安高杞是問再惠
齡已知伊母身故之信不必再留軍營著卽回京
守制此一路官兵卽著德楞泰統領並著勒保於
將領內酌派一員幫同德楞泰剿辦

同日

上諭內閣曰據惠齡等將生擒首逆羅其清出力各員開單具奏著照所請廣西遊擊張鳳劉惟馨廣東遊擊喜明山東都司三家保山西都司常祿俱著賞戴花翎四川守備馬萬年廣西守備馬瑗四川千總張應貴曾壽俱著賞換花翎廣東守備鄭振貴湖北守備李貴呂連貴山東千總蘇殿魁周學光雲南千總高發榮廣東千總武英揚四川千

總賀廷印貴州把總張正得廣西把總葉勝四川
把總張紹緒左位崔聯科廣西外委范雲龍四川
外委陳文輝直隸馬兵甘興雲湖北馬兵王得勝
蕭貴喻萬青山東馬兵張存義固原馬兵陸登魁
俱著賞戴藍翎叅將銜屯弁郎卡耳結著賞加副
將銜四川知州毛大瀛崔特峯著賞戴花翎知縣
徐鼎鄭翰著以同知直隸州陞用知縣徐觀海著

以知州陞用湖北縣丞張世維著以知縣卽用候
補川同李凱著留川以知縣陞用府經歷銜朱奎
著留川以原銜卽用四川典史陳棟劉遷著以府
經歷縣丞陞用議給從九品李弼著留於陝省補
用書吏孫榮著賞給從九品職銜其烏魯木齊協
領穆克登佈一員著賞給副都統銜仍留軍營俟
大功告竣後再降諭旨其副都統銜阿穆勒塔總

管孫多保二員所有舉職留任處分著加恩准其
開復至所請內閣侍讀學士郎中胡時顯可否賞
給全俸之處著交吏部議奏又所請二等侍衛沙
達喇庫巴圖魯魯爾保著補授頭等侍衛三等
侍衛噶達鼐著補授二等侍衛藍翎侍衛法衣當
阿著補授三等侍衛前鋒校沃什渾著補授三等
侍衛吉林委協領穆鵬額著賞吉禮杭阿巴圖魯

名號呼倫貝爾總管福禮善著賞札福孔阿巴圖魯
魯名號打牲烏拉委叅領蘇卿阿著賞蘇博通額
巴圖魯名號雲南遊擊閔懷希著賞阿勒津圖巴
圖魯名號山東千總閻俊烈著賞斐凌阿巴圖魯
名號仍照例均著各賞銀一百兩黑龍江委叅領
吉凌阿打牲烏拉委叅領豐紳保著賞戴花翎吉
林委叅領巴彥保驍騎校明德著賞換花翎吉林

委防禦富勒渾舒隆阿委官格綳額富明阿前鋒
阿爾松阿黑龍江委驍騎校察渾特打牲烏拉委
驍騎校阿蘭薩委筆帖式阿克都那弩呼德衣領
催哲寶馬甲台清阿莫暖泰呼倫貝爾領催顏彬
荊州前鋒阿布唐阿均著賞戴藍翎以示鼓勵

同日

上命軍機大臣傳諭四川陝甘湖北河南各督撫曰

川楚秦豫等省自教匪滋事以來所屬各州縣內
有被賊匪蹂躪之處應徵錢糧節經降旨蠲緩現
在雖已擒獲首逆數名掃除賊匪數股其餘各處
竄逸屯集之賊尚未全就肅清如湖北之鄖西河
南之盧氏等處昨冬復被賊擾及而川東川北各
股賊匪及張漢潮一股在陝甘兩省邊界奔竄尚
未殄平凡賊匪經過焚掠地方或居民逃避耕種

失時或賊匪去後甫就安輯若將從前緩征帶征
及本年春季應征正賦一律輸將民力拮据朕心
深爲不忍著傳諭各該督撫卽查明所屬內實在
被賊刼掠州縣地方應征錢糧除從前豁免外現
在有無帶征緩征之項其本年春徵實數一併確
詳查據實速奏候朕降旨分別加恩此係朕矜
念痼瘼撫綏良善之意該督撫務須認真查核俾

窮黎得沾實惠倘任不肖官吏影射牽混率意開
造爲浮冒侵漁地步致恩膏不能下逮一經發覺
各該督撫不能當此重罪也

臣等謹案自用兵以來三省民人無日不在
聖主懷保之中

蠲租賜復稠疊有加茲以賊匪尙未殄除各處村莊
或被焚掠或因逃避而耕種失時

皇上特命各大吏查明有無帶徵緩徵之款及本年
春徵實數詳晰具奏祇候

恩施並恐承辦官吏有侵漁浮冒之弊

嚴飭禁諭仰見

恬冒之仁有加無已是以一經奏凱而閭閻卽安堵
如故也